

近代中國史料叢刊第四十輯

沈雲龍主編

常慊慊齋文集

朱之榛著

文海出版社印行

常

慊

慊

齋

文

集

二

卷

壬戌冬至陳寶琛題



11/20/2011

庚申嘉平刻成
東湖草堂藏板

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



常慊慊齋集序

曩者服官京曹每讀吳中邸報即耳君大名間遇江
左大吏述職京師論及彼都吏才咸嘖嘖稱君不置
口藏寫余心者十餘年光緒丙午春余銜命移中州
節來撫姑蘇君適陳臬事兼攝藩條下車伊始詳詢
三吳吏治汙隆度支盈縮民生之如何休養臬患之
如何剷除君一一爲述近歲積弊之叢與即今補救
之方無不洞若觀火悉中窾突乃嘆其才之不可及
恨相見之已晚而向之徒耳君名猶屬皮相也今年
秋哲嗣象甫觀察手君常慊慊齋遺文若干卷乞序

於余余一行作吏此事遂廢奚足作一詞之贅哉然
深惟相知之雅與後死者之責循陳思論定敬禮之
文之例其又奚辭君家學淵源於書無所不讀早歲
作文已驚長老壯則學與年俱進探源史漢以植其
本貫穿唐宋諸大家以會其通卒其所詣於桐城方
氏靈皋姚氏惜抱爲近余曩僅知君吏才誠不知其
學術深醇文章爾雅有如是也君歸道山有年身不
際滄桑鼎革誠屬至幸而余一臥滄江載離寒暑猶
得於乾坤翻覆之秋謝絕人事獨手君一編挑燈浣
誦無間風雨如情話於拙政園中滄浪亭上倦念疇

昔能不悲乎象甫勉乎哉父書可讀子孫永寶其勿
忘鯉庭聞詩聞禮時也歲在甲寅重陽後七日貴陽
陳夔龍序於海上花近樓

常慊慊齋集序

自來宏才碩學必生於詩禮之家錯節槃根愈足顯
才智之士是以許國繼起武功之聲望愈隆劉晏理
財關輔之轉輸不匱皋牢萬物裨闔尤能今見之竹
石朱君矣君沛國之英當湖之秀道學夙推清獻文
藻孰過江村鍾靈美哉于斯爲盛君之先德淮揚觀
察撫綏同于召父盡瘁比之武侯士民頌其德焉史
策著其勲焉茶堂漕帥吉金文字考古逾薛尚功天
庾餘艗運漕如韓鎮海則君之伯祖也建鄉國博古
通蒼雅學者目爲通人詩詠白蘇騷壇推爲鉅手則

君之世父也金張七葉貂蟬盈堂王謝一家烏衣名
巷佩印垂組長虞有治譜之傳擁蓋飛輿荀伯是貴
門之首此君之家世也君秉承家學筮仕江南負八
窗四達之才處六緊十雄之地以爲經姦者國之紀
租庸者民之天紀綱立而財用足不必弓張井里富
而藩育形何須箕歛大則鹽鐵總推夫陳恕小則竹
木亦表夫陶公至于治銜以情爲政尚猛銀手如斷
通李悝之法經金心在中習君房之令典總釐務者
三十年攝臬篆者十餘次既頻登夫剡牘遂特簡夫
淮陽以牛斗之名區作箕裘之佳話此君之遭際也

雖然世共知君之服官亦知君之求學乎在昔趨庭
即飫聞夫丁頤志楊石卿之讜論迨乎奉檄又請益
于高碧湄劉泖生之至交好古敏求力學不倦遂乃
吐文萬牒莫非夜光淬鋒十年鬱爲宵練不事摛辭
飾句而意思深長何須博引繁稱而事理通達若夫
傷離感逝子山思舊之銘考古證今陳思辨通之論
即云文采亦足名家此君之學術也君性至孝先德
貽致身圖徧求當代名人題詠以寄哀思逮事偏親
尤極奉養治獄平恕雋母爲之加餐戲綵班斲老萊
依然孺慕迺不官乎吳郡而板輿遄返乎浙中白雲

在上梁公望遠之心落葉去枝士衡思親之賦遂乃
上書當道乞歸里閭悽入肝脾言從肺腑固與李天
生之疏袁隨園之啟鼎足而三他如刻新安之家集
訂義莊之條規尊祖即以敬宗仁民然後愛物此君
之德行也荃孫以孔李之通家兼羊裘之談友猶憶
小住金閭爲炊玉饌蘭肴山積椒酒淵流羹和鹽梅
漿調芍藥沈南皮之李燕飲彌歡飛西海之鱗盛筵
難再商推古學感慨新猷此境此情宛然心目今則
宿草風偃流涕黃公之壚西鄰日斜嗚咽山陽之笛
雖然未臻期頤之壽而幸免桑海之悲公子象甫收

拾遺著並合菜堂漕帥詩文刻之後賢繼起君亦何
憾于九原寶墨猶存集自足傳于千古歲在旃蒙單
闕午月江陰繆荃孫序

守備卷之三

三

常懷懷齋集序

竹石世丈與先君同官江蘇先君備兵蘇松將移臬江右丈來權稅淞滬珩正髫年曾荷衣出拜丈深以遠大期之迨珩冠後於光緒戊戌己亥間爲劉忠誠鹿文端先後以道員奏留江蘇每謁事吳下丈恆以通家子弟見待甲辰十月端忠敏奏舉丈及珩於朝均奉特旨嘉獎是時大府倚丈若左右手輒當其會機牙立應凡攝提刑以十數退則領牙齧如故蓋丈習於刑名又善主計綜覈名實非丈莫膺此選同官皆懣然心折無間言丈中年偶病目眚經

時不愈脫無此疾其游爲開府內掌刑官久矣然丈
之當官績望海內稱慕來者仰成視同時之平進而
至大官者名出其上文固不以老滯監司而有所抑
鬱於中也玠乙巳冬被財政處 奏調京師補官度
支遂與丈別宣統元年春丈遽歸道山越年辛亥革
命起與令似象甫避世海上象甫商權刊其伯曾祖
椒堂侍郎詩文集復舉丈常慊慊齋文稿屬爲校理
竊思丈志在澄清吏治每云內靖始克外攘其攝提
刑直曾忠襄時舉四參未開案至六百三十餘州縣
震駭若雷霆之驚其魄而百姓陰受其惠多矣丈早

以資蔭從長者游素工爲文及久歷仕宦所上當道
諸書侃侃言事咸以民生國計爲重凡夫往來酬酢
及涉於嘉言懿行無不推闡盡意而於人倫之間尤
三致意焉讀丈之文名臣文苑中何遽不可參一席
邪自官無世官與以政爲學此國家之所以不振而
用人之失當又比比焉此珩之所以讀丈集而灌焉
出涕也庚申春正月世愚姪池州貴池劉世珩拜序

清故光祿大夫頭品頂戴江南淮揚海河務兵備道
署江蘇布政使朱公墓誌銘

門下士長洲葉昌熾撰文

門下士長洲章 鈺書丹

世愚弟海豐吳重憲篆蓋

嗚呼世教淪胥湯湯方割官常國紀蕩無法守世有
彊立不反之君子出而措危定傾理棼濟劇勝任愉
快吏民交頌此固不世出之才矣若有豈弟樂只之
君子出而發蒙傾否距詖息邪登崇儻良修明術藝
百世而下實攸賴之豈僅三年蓄艾十年樹木已乎

世難未夷哲人遽賈傍皇採時之才惻愴論學之簡
蓋於吾師竹石先生重有慨焉先生姓朱氏諱之榛
字仲蕃竹石其號先世唐制茶院使瓌始居歙高祖
諱履端本朝乾隆壬戌進士由翰林改官兵部職方
司郎中本生高祖諱英曾祖諱鴻猷爲悌弟爲孝子
兩世至行艱苦卓絕積善燾後卜世滋大始遷浙占
平湖籍祖爲霖攝江西贛縣事妣陸氏蔡氏父善張
江南淮徐揚海兵備道以禦賊功
贈都察院右都御史妣范氏先生生妣趙氏自職方
以下皆以總憲公貴

封考妣如例總憲公四子先生其仲也生聰穎有至性少受業於秀水高先生伯平讀書觀大畧不沾沾章句上元梅伯言山陽丁儉卿魯通甫皆父執者宿世父建卿先生爲某堂侍郎子精於蒼雅金石之學先生小冠隅坐質疑送難諸先生驚嘆以爲非常童也咸豐己未寇警在郊總憲公登陴誓守命長子奉母歸先生泣然請留詰之則以童汪錡對嗟乎先生忘身爲國以死勤事之志固已定於此矣同治丁卯以蔭釋褐補蘇州府總捕同知叙海運勞保以道員遇缺題奏

賞二品頂戴自是先生宦躅垂四十年不出吳下先後權臬之

命至十二下兩攝藩條一視關庾剛明廉肅能勤其官而尤以筦蘇滬釐務爲最久自中興創釐捐以贍軍食東南底定沿而未革措克則商病侵蝕則國病上下交征狙商猾吏因緣爲市則國與民交病先生整躬率屬精心稽核清操亮節吏畏而民懷之己亥奉委清理田賦歲增米十五萬石丁銀二十一萬兩特旨賞頭品頂戴異數也先生謂此皆出中飽之橐以還司農非累吾民遑恤勞怨治賦以此治釐亦以

此如皋瀕江邑地僻而民健有訟婦弑夫者縣讞上
先生閱其詞鍛鍊檄下通州覆訊得平反嘗謂人命
至重每下車慮囚訴牒填委亭疑閱實燭照觴解嘆
喟老吏莫敢舞文曾忠襄督兩江時條上保甲法忠
襄大驚服示僚吏曰此命世才也其後張文襄劉忠
誠皆嚴重先生不視爲屬吏而不逞之徒惡其害已
亦有撫拾流言以上聞者文襄忠誠先後疏辨
詔勿問先生感激馳驅益自濯厲庚子海警列城戒
嚴縣囚謀脫械叛內外鈎結旦夕蠢動未發而先生
知有變亟白撫軍出情實者於市駢誅之事大定是

役也人謂操刀立斷間不容髮而不知先生不大聲
色哀矜詳慎未嘗妄戮一人也政有興革事有緩急
大府籌策未嘗不造先生咨訪而先生雅不欲以吏
才自見論治務在正人心培元氣慨國論之昌披悼
聖文之堙鬱會長沙中丞喟然興學謀於先生倣文
襄湖北之制建存古學堂以教士先生手定條教江
南北高材生羸糧景從彬彬鄒魯矣客冬部視學蒞
蘇攷校殿最列上第一周覽橫舍咨嗟太息而去而
先生已不及見矣先生中年以後即患目眚安於義
命壯歲服官皓首始補淮揚海道聞

命慨然曰此先人舊治也邦之父老猶有存者庸敢弗勉未赴淮以宣統元年己酉三月十四日卒於蘇州官舍距生於道光庚子年七十德配干繼配沈皆封一品夫人先生以干夫人未有子撫兄子景行爲嗣先卒其後崔夫人生子景邁先生喜甚字之曰象甫志象賢也女五孫運啟運敬景行出運鵬運守景邁出早殤曾孫家玉家德象甫奉靈櫬將歸葬於新阡來謁銘昌熾受知在舉子時顧自家居以至通籍未嘗一謁門牆隴首奉使歸辱先生下交始以士相見禮謁先生於講堂攷德問業未逾兩稔遽執簡而

銘先生之墓能不悲夫先生敦尚道義篤於事親孝
友睦嫻任恤之誼不可備書謹論列其訃謨碩畫關
於民生國計與夫紹先聖開來學正誼明道之風烈
援据事狀排纘書之自先生捐館長沙南皮兩公先
後薨逝天不憖遺鐫砥柱而去之撫衡流之方羊懼
斯文之安託俯仰擊涕而爲銘曰

滄浪之清兮水可濯纓廣厦崢嶸兮巾卷在庭前有
樂圃後有考亭清獻學統鄉邦典型夫豈僅精彊慈
惠如唐之劉晏陽城美哉堂斧公靈式憑瞻松楸兮
鬱鬱尚高山兮景行精廬來學其視此銘

皇清誥授光祿大夫頭品頂戴署理江蘇布政使
特授江南淮揚海河務兵備道一品廕生顯考竹
石府君行狀

府君姓朱氏諱之榛字仲蕃號竹石取李贊皇語顏
所居曰常慊慊齋以明志始祖茶院公諱瓌唐制茶
院使天祐中率兵戍婺源因居歛之黃塾數傳遷月
潭村五世祖中翰公諱明儀由月潭遷浙之桐鄉高
祖駕部公諱履端乾隆壬戌進士翰林院庶吉士兵
部職方司主事妣吳氏本生高祖藥房公諱英代兄
香南公戍蜀中卅有七年妣高氏曾祖召試公諱鴻

猷乾隆庚子

行狀

南巡召試崎嶇八千里入蜀省親備極險阻兩世至
行艱苦卓絕語在邑志孝友傳妣吳氏王氏石氏召
試公省親歸奉母高太夫人遷平湖遂爲平湖人祖
贛縣公諱爲霖攝江西贛縣事妣陸氏蔡氏自高祖
以下三世皆以先大父官贈光祿大夫妣皆贈一品
夫人曾祖祖考妣又以府君官累加榮封大父總憲
公諱善張江南淮徐揚海兵備道守城拒賊忠誠懋
著同治三年八月卒於沛軍得
旨照軍營立功後病故例從優議恤尋

贈右都御史廢一子以知州用妣范氏生妣趙氏皆
一品太夫人總憲公有子四人府君其仲趙太夫人
出也幼聰穎絕人年十三四好從長老講論總憲公
嘗飲上元梅伯言山陽丁儉卿魯通甫秀水高伯平
諸先生府君趨入侍承間請問伯祖助教公因謂總
憲公曰此子在羣從中具至性觀其言行他日當可
繼業咸豐己未總憲公備兵揚州四月寇圍城急命
世父分轉公奉曾祖妣蔡太夫人南歸府君依依膝
下不去總憲公詰之曰寇深矣我與城存亡汝留若
何府君泣然曰願隨配昭忠祠總憲公悚然異之少

受學於高伯平先生讀書觀大畧不沾沾於章句總
憲公嘗欲仿范氏義田收恤宗族以緜世澤府君敬
承先志建莊贍祭親定規條誼美仁篤同治丁卯以
同知任蔭來蘇辛未八月曾文正公識拔於稠人中
奏補蘇總捕同知公餘與高碧湄楊見山袁爽秋諸
君子相切磋學業大進光緒己卯年以疊次海運勞
晉秩道員五月開同知缺仍以道員次江蘇同治八
年己巳府君轉漕津門干夫人撫世父三子景行爲
嗣府君歸告曰兄弟之子猶子也撫之是越十二年
庚辰我母崔夫人始生不孝嗚呼不孝之生也府君

喜甚命之曰邁字之曰象蓋景仰坡公而屬望於不
孝者甚切此不孝今日追思彌痛者耳時彭剛直公
養疴吳門引為同志以府君所著蠡說陳言痛切時
弊嘆為可當清夜鐘聲警醒癡夢乙酉十月權江蘇
臬司每核囚徒悉心推鞫屬吏不能枉撓蒙蔽并上
整頓保甲捕務之書曾忠襄閱之驚嘆曰命世才也
即具疏以破格請簡府君之見重於賢人君子類如
此浙西南糧歲久弊生折價日昂為官民重困貧戶
有鬻子女以償者府君深惻之會長白崧公駿移撫
浙江府君極言其害崧公據以入告不分漕南改徵

本色

朝允所請民困大蘇己丑四月故相剛公來撫三吳以釐收所入半歸中飽受任之日盛威凌厲廷詰棊嚴府君抗對曰所司款目收則有解文放則有報文平色毫末悉歸諸公典守者不得私操履自飭由來舊矣檔冊俱在可備稽核果有出入敢逃其咎剛公失對四座愕然遂相敬服推重愈隆庚寅遭生祖妣趙太夫人喪先妣干夫人及我母崔夫人亦相繼下世初太夫人患咯血血止氣喘天寒益劇府君目瞽太夫人極憐之不令候起居然府君親侍湯藥衣不

解帶者累月及遭喪哀毀骨立日益大損纂太夫人
行述字字血淚不忍卒讀并撰于夫人行畧以存家
乘壬辰讀禮家居與金茗人觀察就東湖弄珠樓
建瀛洲書院專科經史實學癸巳三月繼母沈夫人
來歸府君屢被中外薦舉以目疾撻身禮除服闋有
終焉之志簡書諄迫十月始重推松滬乙未正月調
筦蘇釐剔蠹恤商勞來備至然事求其實不少假借
而謗亦隨之矣丙申春被侍御楊崇伊所劾督撫會
查具復以府君不避嫌怨剴切敷陳而臺論齟齬詞
連疆吏